

Visoki predstavnik Inzko susreo se sa generalnim sekretarom UN-a Ban Ki-moonom



Međunarodna zajednica ima i dalje odgovornost da pomogne Bosni i Hercegovini i njenom stanovništvu da se reintegrira i izgradi budućnost u kojoj će trajno vladati mir i stabilnost, rekao je visoki predstavnik Valentin Inzko tokom sastanka sa generalnim sekretarom Ujedinjenih naroda Ban Ki-moonom danas u Sarajevu.

„Posjeta generalnog sekretara BiH i regionu pokazuje, sa najvišeg nivoa diplomacije, da međunarodna zajednica ostaje opredijeljena da osigura mir i stabilnost te pomogne Bosni i Hercegovini u postizanju napretka,“ rekao je visoki predstavnik Inzko.

Podsjećajući da se 2012. godine obilježava 20 godina od dana prijema Bosne i Hercegovine u članstvo Ujedinjenih naroda, zajedno sa Hrvatskom i Slovenijom, Inzko je pohvalio zemlju za nedavno uspješno članstvo u Vijeću sigurnosti Ujedinjenih naroda.

„Ova godišnjica ima i posebno značenje za moju domovinu Austriju, jer je tadašnji austrijski ambasador Dr. Peter Hohenfellner predsjedavao Vijećem sigurnosti kada je BiH primljena u UN,“ naveo je Inzko.

Visoki predstavnik je govorio na sastanku za predstavnike

međunarodne zajednice u Bosni i Hercegovini, kojim je predsjedavao zajedno sa generalnim sekretarom UN-a.